

1 3
Extrait des principaux points du proces pendant au
grand Conseil,

Entre Dom Claude Garony Religieux profès, Prieur du Prieuré Sainte
Croix de la Voulte, demandeur en complainte & lettres de Triennal
paisible possesseur:

Et freres Gilles Prenoist, Iacques Ozan, Iean Durand & Pierre Torrent,
deffendeurs.

Et encores entre ledict Garony demandeur en sommation :

Et mesire Claude Dormy Euesque de Bologne, deffendeur.




Rere Roger Ruelle resignant dudiect Ozan & le demandeur
ont esté pourueuz dudiect prieuré par le decés de frere Guil-
laume Cornayre dernier titulaire : sçauoir Ruelle par lediect
sieur Dormy, soy disant Vicaire general du sieur Abbé de
Cluny : & le demandeur par le Pape, le iour du decés est
decisifs de leurs tiltres.

Il est iustificié au proces que lediect Cornayre est decedé le 8. A puril 1597. *La 3. piece de la cotte B. en la 4. production.*
à sçauoir par le registre des sepultures des morts compulsé par toutes les
parties: par autre acte capitulairement faict, receu par Notaire, auquel tous
les Religieux dudiect prieuré sont signez, & par l'enqueste dudiect deman-
deur faicte sur les lieux.

Neantmoins la prouision dudiect Ruelle est du 27. Mars 97. d'unze iours
auparauant le decez. Dont s'ensuit l'un des deux, ou qu'il est pourueu du
benefice d'un homme viuant, & sic la prouision nulle *toto. tit. de concess. preb.*
ou qu'elle est antidatee & faulse, ce qu'est vray: car elle est faicte plus
de dix mois apres lediect decez en mesme temps que celle du prieuré de
Cappy declaree faulse par arrest dudiect Conseil, toutes les deux receues
par mesme Notaire Lalye, pardeuant mesme tesmoing Iean Margue, la
minutte non signee des tesmoins qualifiez Prestres, habitas du fauxbourg
S. Honoré, qui se trouuent pareillement tesmoins nommez & non signez
en deux autres prouisions faictes au nom dudiect Ruelle par lediect sieur
Dormy du prieuré de S. Leu Desserans, la multitude desquels actes mon-
stre que c'estoient des noms ordinairement employez par lediect Lalye en
ses faux actes: Car il n'y a point d'apparence qu'en tant de prouisions faites
en diuers temps, ces Prestres du fauxbourg S. Honoré se soient peu trou-
uer au prierné S. Martin des Champs. *Sous la cotte GG. de la 4. production. Produict sous la cotte F. de la production de re- queste civile contre l'arrest de contrarieté*

En tout cas n'ayans lesdicts tesmoins signé, ladiecte prouision est nulle
par l'Ordonn. d'Orleans art. 84. celle de Blois de l'an 1579. art. 165 & arrest
de verification de l'Edict des petites dattes: & ceste nullité est la preuve
du faux. *Nam instrumentum carens solennitate debita non caret falsi suspicione l. nulli §. 4. de num. C. lib. 12. l. iubemus in f. D. de testam. quasi dolo in tam ne- cessaria causa versatum sit.* *Sous la cotte C. de la 4. production.*

Addendum que ladiecte prouision n'est enregistree, ains escripte en vne
demy fueille de papier, ne contient le iour de la deliurance de l'expedition,
n'est pareillement insinuce au desir de l'Ordon. ny de 15. mois apres. Or en



toute piece soupconneuse de faux, le deffault d'insinuation a esté iugé pour nullité l'Ordon. de l'an 1553. art. 17. y est expresse.

Postremò la fauseté est visible *in mutatione cognominis*, de Leger en celuy de Ruelle, tant en la minutte, que grosse: d'où l'on peut voir que ceste mutation est faicte long temps apres ladicte prouision pour la continuer en la mesme datte pour Ruelle, qu'elle estoit pour Leger.

Ozan resignataire de Ruelle, *non habet plus iuris*, & d'abondant sa prouision maintenue faulse, antedatee pour preuenir la recognoissance faicte par Ruelle de sa confidèce, il y a des moyès de faux & preuue d'iceux au proces.

Est aussi nulle par l'Ordon. des petites dattes art. 3. & arrest de veriffication, & par celle de Henry dernier de l'an 1586. en ce que Guerineau & Lobry sont seruiteurs domestiques dudit sieur Dormy, quoy que soit Ozan aduoue par son interrogatoire Lobry pour son seruiteur, Guerineau est qualifié Geolier du prieuré S. Martin, outre qu'il est tesmoing incapable pour auoir esté condamné au fouët & bannissement pour cinq ans par Arrest du Parlement du neufiesme d'Aoust 1599. executé: C'est contre ce que dict Rebuf. *ad rub. 2. de coll. in concord. requiruntur (inquit) in collationib. duo testes idonei & omni exceptione maiores non domestici nec familiares*, & ceste nullité est vn vray argument de faux.

Produict sous
la cotte G. en
l'instance de
requ. ciuile.

Produict en
lad. instanc
en la cotte
F.

Nulle aussi pour estre Simoniaque, Ozan ayant esté pourueu par l'effect de la confidence de Ruelle, qu'il n'a peu ignorer ayant sollicité le proces dès le commencement au nom d'iceluy. Ceste nullité a esté iugee par plusieurs arrests.

La prouision de Preuost est pareillement nulle. Prem. ledict sieur Dormy, ayant desia pourueu audict benefice du viuant du dernier titulaire, & encor commis simonié sur iceluy avec Ruelle, *ipso iure* il est priué du pouuoir de le conferer vne autre fois. *cap. cum in cunctis cap. nihil est de elect. & elec. por. cap. postulasi de cler. exco. vel dep. vt puniatur in hoc in quo delinquere præsumpsit cap. cum detestabile extra de sim. rebuf. toto tit. de pænis contra coll. indig. conf. in sua praxi benef.*

Produit en la
dicte instance
sous la cotte
L.

Secundo par arrest dudit Conseil du dernier Mars 1599. ledict Preuost a esté maintenu en possession de la cure de S. Leu Deslerans long temps auparauant ladicte prouision, laquelle il tient encor: partant sa prouision faite à personne incapable remply de benefice incompatible, ce que l'ordinaire ne peut faire, & est la collation nulle, *cap. ordinarij de officio ord. in 6. cap. super eo de resc. in 6. cap. quia tantum de præb. cap. quia nonnulli de cler. non res. rebuf. d. loco.*

tertio, Cheron Religieux qui a receu ladicte prouision, & les tesmoings sont domestiques dudit sieur Dormy, Guerineau est l'un de *quo supra*, Godemar l'autre, qui a esté seruiteur du sieur de Rosiers frere dudit sieur Dormy l'espace de 15. ans ou plus, & y en a plus de dix qu'il l'est du sieur Dormy à present son voyer au prieuré S. Martin des Champs: Cheron aussi n'est Secretaire ordinaire ny capable de l'estre estant Religieux, & aussi ne tient aucun registre suiuant l'Ordonn. De sorte que c'est vn acte pur, priué & domestique qui ne peut valoir pour collation.

Finalement ladicte prouision non acceptee, ce qui est requis de droit; car l'acceptation, en matiere de benefices, est autant essentielle qu'aux donations. *Quia in beneficiato requiritur voluntas & potestas cap. super inordinata de præb. & dig. cap. si tibi absenti de præb. in 6. rebuf. in concord. tit. de elect. derog.*

in verbo. speciale glo. & doct. in clem. vnica in verb. presenti de concess. præb. & du Molin in reg. de inf. resig. num. 304. opus est, inquit speciali imò specifico & indiuiduo mandato ad acceptandum beneficium & possessionem capiendam. La possession dudit prieuré n'a peu estre prinse par vn tiers sans procuracion expresse dudit Preuost: d'où s'ensuit qu'il est sans tiltre & sans possession.

Il y a plus, que tous trois sont confidentaires, par les extraicts produicts sous la cote C. de la 4. production appert que Ruelle a esté pourueu par ledict sieur Dormy en mesme temps des prieurez de S. Leu Desferans & de la Voulte, dont le premier est de 3500. liures de reuenu, l'autre de 2000. Quelle apparence y a il que ledict sieur Dormy qui pratique le mieux de prelat de France ceste *maximè collationes sunt in fructu*, eust conféré en mesme temps deux benefices de grand reuenu & incompatibles à vn pauure Religieux ignorant qui n'a rien qui le rende recommandable.

Les six procuracions de resignation desdictes prieurez produictes soubz la mesme cote, entre lesquelles y en a deux de mesme iour 28. Febr. 1601. pour les deux prieurez, fontfoy de ceste confidence: car par le moyen d'icelles ledict sieur Dormy demouroit saisi des tiltres desdictes prieurez pour en disposer à son plaisir, comme de faict il a composé de celui de S. Leu Desferans à son profit.

Les termes des procuracions sont considerables, elles sont pour resigner *purè & simpliciter in manibus ordinarij aut in manibus Papæ in fauorem tamen cuiuscunque personæ per latorem presentium nominandæ. Pourquoy non purement & simplement entre les mains du Pape comme en celles de l'ordinaire: Cela monstre que ce n'est vne resignation pure & simple, ains qu'il y a vne retention cachee entre le resignant & le collateur, aussi on ne resigne point de tels benefices purement & simplement: la clause adressante au Pape le tesmoigne.*

Ces mots indefinis *per latorem presentium nominandæ* font voir que lesdictes procuracions n'estoient faictes en intention de resigner deslors: mais seulement pour seruir d'assurance audit sieur Dormy, autrement on eust nommé le resignataire comme aussi vn procureur, ce qui n'est point.

Du Molin en son commentaire sur l'Edict des petites dattes art. x. sur la fin parlant de ces procuracions generales: *maior est, inquit, materia & occasio turpis negotiationis & nundinationis beneficiorum si delectus personæ in cuius fauorem non ab arbitrio solius resignantis sed cuiuscunque sui procuratoris dependere possit*, car on peut veritablement dire que telles procuracions seruent pour exposer en vête les benefices, & les bailler par celui qui en est porteur à tel que bon luy semblera.

In cap. super hoc de renunt. il est dict que pour iuger, si vne prouision est frauduleuse & simoniaque ou non: diligenter debet inquiri causa resignationis, nam nulla ratio id verisimile reddit vt quisquam beneficium multis forte expensis & laboribus acquisitum de quo sustentari debet facile sine magna causa sua sponte resignet, en ce faict quelle apparence de raison qu'un pauure Religieux qui n'a que la table de son conuent se fust à mesme temps despouillé purement & simplement de deux opulents benefices.

Est aussi à noter que lesdictes procuracions sont en blanc, afin d'oster audit Ruelle le pouuoir de reuocquer, pour la plus grande assurance dudit sieur Dormy, ainsi que remarque Rebus *tit. de procur. ad resig. constit. lib. 3. prax. benef.*

Les grandes poursuites faictes en son nom deuant, & apres lescdites procurations font voir quelles ne sont pour resigner, mais pour seruir d'assurance audit sieur Dormy: Car il est incompatible qu'un homme se demette du tiltre d'un benefice, & le plaide apres à plusieurs grands fraiz: & puis à quoy si grand nombre de procurations sans demordre: vne seule suffisoit, si l'intention estoit de resigner.

Et si lescdites procurations n'eussent rendu à vne fin reprouuee & damnable, pourquoy estce que Ruelle les eust desnié en sô premier interrogatoire & faict vn faux serment.

La cotte E.
de la 2. production.

Par cest interrogatoire, bien que ledict Ruelle perseuerast en ladicte confidence, neantmoins on veoit que de son nom en ce proces. Car estant enquis des iours, mois & an de sa prouision, si elle est en parchemin ou papier, de quel sceau & cire scellée, du notaire qui l'a receuë, par qui signee, par quel genre de vacation il est pourueu, qui estoit le dernier titulaire, dit par tout qu'il ne scait.

Enquis qui luy a donné l'aduiz de la vacation du prieuré, dict que c'est le sieur Dormy qui luy a conféré: qui sont les Notaire, Prestre & tesmoins qui ont pris possession pour luy: le iour mois & an: quel est l'estat du proces, dict qu'il n'en a memoire.

Produictes en
la 1. production
cotte F.

D'auantage les procurations passees pour prendre possession desdictes deux prieurez tesmoignent la mesme confidence: elles sont generales pour prendre possession, plaider, constituer Procureur, eslire domicile, affermer les reuenus, receuoir & bailler acquit: au moyen dequoy ledict Dormy tenoit en sa main & le tiltre & la iouissance desdictes prieurez: ce sont procurations ordinaires des confidentaires.

En la 2. production
cotte F.

La procedure aussi la manifeste: car il n'a esté rien faict par Ruelle ny autre en ce proces que par les agens & domestiques dudit sieur Dormy & a ses propres despens: à scauoir par Ozan, d'Huue, la Cour, Girad, Guy, & autres. Cela est suffisamment verifié par les enquestes faictes à la suite dudit Conseil, & par les missiues dudit Ozan nouvellement produictes par ledict demandeur, & par autres missiues, que le sieur President Miron s'est employé en cest affaire à la priere dudit sieur Dormy. *Hæc omnia simul iuncta plenam confidentie probationem faciunt.*

La cotte I.
de la 4. production & la
cotte L.
de la production
de la 1. requ. civile.

Ruelle étant vaincu par le tesmoignage de tant d'actes a redouté vne condénation des despens, dommages & interets du demandeur: Et pour cuider se garentir d'iceux, il a extorqué vne promesse d'indemnité de celuy qui a seulement charge de la conduite dudit proces, laquelle partant ne peut valloir, moyennant ce il a recogneu ladicte confidence par trois diuers actes, par declaration faicte à la publication de certaines lettres monitoires, procuration de desadueu de la poursuite faicte en son nom, & par son dernier interrogatoire.

Il a déclaré chose qui est sans exemple, Que ledict sieur Dormy son superieur l'auoit forcé d'autorité de commettre ladite confidence, & l'auoit persuadé que ce n'estoit confidence de garder vn benefice pour son superieur, la volonté duquel il estoit tenu faire sans enquerir que c'est. Quel scandale en la religion Catholique qu'un superieur enseigne vne heresie à son religieux, & luy persuade qu'un crime de leze Maieité diuine tel que la simonie: *ad cuius comparationem omnia crimina pro nihilo reputantur*, soit

vn acte d'obediance: cela ne peut euitier la correction du Conseil, Dieu & le public y sont par trop offencez.

Et bien que lesdictes recognoissances soient appuyees en preuue literale & par tesmoings, & ne puisse estre reuoeuee en doubte: neantmoins par ce que ledict Ozan s'est efforcé de ce faire, au moyen de ladicte promesse d'indénité le demandeur à depuis peu fait extraire le registre du banquier Granet, par lequel appert que ledict Ruelle a obtenu en cour de Rome absolution de ladicte confidence. *Duorum prioratum intuitu & favore sui superioris iuxta amplissimum memoriale quod mittitur:* Ce sont les mots du registre, ce que se rapporte au fait qui se presente, en sorte qu'il ne reste doubte quelconque.

L'extraict est en la cot. GG. de la 4. production.

Ladicte confidence estant constante, que peut on dire autre chose d'Ozan, qui n'a esté pourueu que par l'effect d'icelle, lors que Ruelle n'y a plus voulu continuer. C'est l'agent domestique, Receueur & Vicairé dudit sieur Dormy, en qui il confie tous ses affaires. aux despens duquel ce proces a esté commencé & poursuiuy par Ozan.

La confidence de Preuost est veriffiée par celle de Ruelle: car le sieur Dormy voyant l'erreur de son antidade deuement veriffiée, & qu'il ne pouuoit auoir ce benefice par sa prouision, il en fait vne autre au nom dudit Preuost à son desceu, qui est vn acte pur priué, & domestique, receu par vn Religieux, lequel & les tesmoins sont domestiques dudit sieur Dormy, non publiée ny insinuée: De sorte que quand Preuost n'eust voulu accommoder son nom, il ne scauroit recouurer, ny se preualoir de ladite prouision, estant au pouuoir dudit sieur Dormy, tant la minutte que expedition, c'est pour tenir tousiours le benefice en sa disposition

Au desceu dudit Preuost il enuoye en Auvergne Nicolas d'Huue son maistre d'hostel, qui a fait plusieurs actes à la requeste de Ruelle, mesmes fait ouyr & interroger le demandeur sur faits pertinents, & à mesmes temps à pris possession dudit Prieuré pour ledit Preuost; comme soy faisant fort de luy, apres on fait vne interuention au proces en son nom, la caution est vn nommé Roctailleur d'habits dudit sieur Dormy, qui a recogneu par sa deposition ne cognoistre ledit Preuost, on a fait plusieurs autres poursuites de grands fraicts.

Par la 4. production en la cote En la production cote E.

Cela est veriffié par la propre recognoissance dudit Preuost, lequel quatre mois apres l'interuention faite en son nom, estant assigné en sa personne pour voir faire certains extraicts, declare ne cognoistre le demandeur, n'auoir iamais ouy parler du Prieuré de la Voulte, & n'y pretendre aucun droit, n'auoir aucun proces au grand Conseil, ny cognoistre personne que le Procureur Clusel (qui estoit pour le demandeur,) & estant sommé de payer le tiers des espices de l'arrest de contrariété, & à son refus executé, lors il s'oppose, dit n'auoir proces ne differens avec Garony, que les poursuites faites en son nom sont supposees, & les desadoue ses declarations signees de luy.

Sous la cote M. de ladite production de requ. ciuile.

Si les bulles des Papes Pie 4. & 5. faites sur la confidence, par ce que c'est vn acte secret & de difficile preuue, la tiennent pour veriffiée, si par le registre du Banquier il apparaisse que le pretendu confidentaire soit pourueu *expensis & ex commissione confidentis*, pourroit-on excuser celle de Preuost? il est pourueu par le mesme qui l'a baillé en confidence à Ruelle qui

de iure *presumitur in eodem vitio perseuerasse*, qui faict tous les fraiz d'un gros proces: le faict pour suiure par ses domestiques, & baille caution pour les despens d'iceluy, l'on ne peut dire que ce soit autrement que pour son proffit.

Mesmes que depuis les declarations dudit Preuost, ledit sieur Dormy à continué les mesmes poursuittes, à son sceu & veu, contraint de le souffrir, par la mesme autorité que Ruelle.

Sous la cote
B. de la 3.
production.

Que celà soit, appert, *primum* de ce que apres auoir ingenuement reconnu la verité *mox mutato consilio* le lendemain faict visage de bois au Commissaire qui se presente pour le vouloir ouyr & interroger, la cause est (ce qui n'est verifié mais tres-veritable) que le sieur Dormy ayant sceu ce qui se passoit, enuoya aussi-tost Ozan en poste vers Preuost pour empescher ledit interrogatoire: & deslors il fut disposé à ladicte confidence, on luy faict passer vne procuration, par laquelle il constitue son procureur le Brun, & l'aduoué des poursuittes par luy faites.

Sous la cote
de la 4.
production.

Ceste nouuelle constitution de prouueur & adueu presuppposé, necessairement que le Brun n'auoit auparauant charge dudit Preuost, & l'adueu de ceste procedure faite à la poursuite & aux fraiz dudit sieur Dormy, est vne vraie approbation de ladicte confidence.

Le progrez du proces semblable au commencement, monstre la continuation de ladicte confidence: car la mesme poursuite que l'on faict pour Ruelle notoirement confidentaire, est faicte au nom dudit Preuost: soubz le nom des deux, on a articulé les mesmes faicts, d'où s'ensuit que tout est conduit par mesme conseil & mesme main.

Par les proces
verbaux des
enquestes de
Ruelle &
Preuost.

En mesme iour Perriquet procureur de Ruelle, & le Brun dudit Preuost passent deux procurations pardeuant mesmes Notaires, le Brun substitue Anthoine Bolemer Religieux agent dudit sieur Dormy pour aller en Auergne faire des enquestes: & Perriquet, ledit Ozan, si Ruelle & Preuost eussent fourny les deniers necessaires pour la faction des enquestes, ils eussent aussi-tost pris la peyne de faire lesdites procurations, le fait le meritoir, d'où se voit que ce n'est à leurs despens, aussi leurs moyens ne s'estendent iusques-là.

La cote D.
de ladicte
production.

Bolemer & Ozan sont partis de Paris, & arriuez sur les lieux en mesme temps, on faict mesmes actes & procedures conioinctement pardeuant l'Official de Saint Flour, Mamer Aduocar plaide pour tous les deux, & peu de temps apres il presente en iugement vne missiue dudit Ozan, par laquelle il luy mande de pour suiure au nom dudit Preuost.

Idem.

les enquestes de tous deux ont este faictes d'une mesme main, mesme Sergent à traouillé pour les deux, tous exploicts semblables, assignations donnees à mesmes fins, mesmes personnes, heure & lieu, mesmes tesmoins ouys, & en tous leurs actes n'y a diuersité que de nom.

En ladicte
production
sous les cottes
D. BB. CC.

Il y a des exploicts faicts soubz le nom de Preuost & Ozan, ausquels ils sont conioinctement qualifiez Prieurs du prieuré Sainte Croix de la Voulte, & autres par lesquels ils sont tous deux eslection de mesme domicile.

Perriquet aussi à faict & signé des requestes au nom dudit Preuost, bien qu'il fust Procureur de Ruelle & *vice versa*, le Brun à comparu & contesté pour ledit Ruelle pour empescher les extraiets dudit demandeur comme appert du proces verbal produit soubz la cote C. de la 4. production.

Les dernières enquestes desdits Ozan & Preuost sont conformes, transcrits l'une sur l'autre, *mutatis mutandis*, & par les proces verbaux de la fa-
ction d'icelles, appert que ce sont mesmes requisitoires pour tous deux: bref
en toute la procedure Preuost *patri passu ambulat* avec ledit Ruelle, ou Ozan
son pretendu resignataire.

Au contraire il ne se trouuera vn seul acte faict entr'eux l'un contre l'autre, si Preuost n'estoit confident, il auoit interest de soustenir contre
Ruelle le tiltre dudit demandeur, sur lequel il a pris deuolut: car si son tiltre ne subsiste, par consequent Preuost ne peut rien esperer.

Les fraitz des voyages, enquestes & procedures de tous deux, sont sortis d'une mesme bourse. Ozan contoit & payoit pour luy & pour Boule-
mer en tout le voyage, tenans mesme logis, & la façon des premieres en-
questes payees en ceste ville au Prieuré saint Martin des champs, où ils ont
conduit leur Greffier.

*Sous la cote
O. de ladicte
productio, &
Par la dern.
enqueste.*

A cela faut adionster les missiues dudit Ozan, par lesquelles il rend compte audit sieur Dormy du succès & despence de ses enquestes, & parle en
icelles autant du Brun Procureur du Preuost, que de Perriquet, & au doz
de l'une d'icelles, Bollemer, agent pretendu dudit Preuost, escrit à l'Obry
recepneur dudit sieur Dormy par vne mesme lettre avec Ozan.

Aussi les fondemens du deuolut dudit Preuost ont esté recherches &
bastis par ledit sieur Dormy, lequel long temps auparauant sa prouision
auoit faict informer soubz le nom dudit Ruelle, de la iouissance en confi-
dence pretendue estre faite par le sieur du Cheyllar, l'enqueste est au pro-
ces, & depuis faict faire autre information à mesme fin par le sieur Presidēt
Miron produite soubz le nom dudit Ruelle avec vne pretendue obliga-
tion faite au nom dudit sieur du Cheyllar, pour ouurir la porte au deuolut
dudit Preuost: car lesdites pieces ne seruoient de rien audit Ruelle.

D'auantage, commēt pourroit-on distinguer Preuost d'avec Ruelle, ledit
sieur Dormy à perseueré en la confidence d'iceluy Ruelle, & soustenus son
titre à gros fraitz depuis l'intervention de Preuost, en intention d'emporter
le benefice contentieux, il ne se peut dire que *medio tempore*, il aye employé
Preuost à autre fin, ny qu'il se soit osté à luy mesmes ce benefice, tant affe-
ctionné & poursuiuy avec tant de fraitz, pour le donner audit Preuost, s'il
l'en eust voulu gratifier: pourquoy eust-il depuis persisté en la confidence
dudit Ruelle, cela est incompatible: aussi pourquoy eust-il celé quatre
mois ladicte prouision à Preuost?

On ne scauroit desirer vne preuue plus claire de sa confidence,
la chose parle de soy, les circonstances du faict sont vne preuue
beaucoup plus certaine que cent tesmoins de ce temps; c'est pourquoy
la loy dit qu'ils sont les vrais interpretes de tous actes l. 50. *si seruus de leg.*
3. *presumptiones multe simul iuncte plenam probationem & sufficientem fa-*
ciunt boer. conf. 4. nu. 81. principalement en matiere de benefices aus-
quels comme dit du Molin *in nu. 118. reg. de inf. resig. res presumptiones abunde*
sufficiunt ad probandem fraudem.

Icy non seulement toutes presomptions de droict concurrent: mais elles
sont assistees d'une infinité d'actes par escripts, depositions de tesmoins ir-
prochables, & confession des parties: en sorte qu'il ne reste doubte quel-
conque de ladicte confidence.

Quand à Durand, ses lettres de censure tesmoignent qu'il est

incapable de benefices, la profession n'a peu purger le vice du sang *nisi ad ordines tantum*: mais pour tenir benefices il luy est besoin d'estre auparavant legitimé par le Pape ce qui n'est pas.

Aussi tant luy que ledit Torrent sont pourueuz par la confidence dudit demandeur, de laquelle ils ne font point apparoit: mesmes que quand ils voudroient s'ayder des enquestes desdits Preuost & Ozan, il s'assure que l'on trouuera que ce sont pures suppositions, & que l'on a seulement tasché de circonuenir la religion dudit Conseil, soubz pretexte de ce que le sieur du Cheyllar pendant les derniers troubles, & auparavant que ledit demandeur fust pourueu dudit Prieuré, auroit iouy d'iceluy soubz la licence des armes, luy ayant esté la maison Prieuriale baillée en garde par le feu sieur Duc de Nemours, ce qui ne luy peut preiudicier.

Ne luy peut pareillement nuire que ledit sieur du Cheyllar à assisté aux baux à fermé des dixmes de bled, & vin dudit Prieuré: car ce faisant en place publique, *quod in publico fit omni fraudis suspitione est expers*, ce n'est pas le sieur du Cheyllar seul: mais tous les Gentils-hommes circonuofins, lesquels soubz le nom d'aucuns leurs seruiteurs, ou autres, s'accomodent desdites dixmes c'est chose ordinaire audit pays, c'est l'interest seul des titulaires, qui ne peuuent affermer leur reuenu à ceux qui bon leur semble pour l'autorité que la Noblesse dudit pays s'aroge, mesmement sur les Ecclesiastiques.

N'y ayant autre fait articulé contre le demandeur, & qu'il est notoire qu'il a esté canoniquement pourueu du benefice contentieux, & paisiblement d'iceluy iouy, l'espace de trois ans & plus, auparavant le proces contre luy intenté au veu & sçeu d'un chacun, faisant actuellement & publiquement tous actes de vray & legitime Prieur, ayant tenu les assises en la Iustice du lieu, en l'assemblée generale de tous ses iusticiables, pourueu luy mesmes à tous offices & benefices, qui sont actes qui ne furent iamais permis à un confident: mesmes que l'on ne dict point encore, qu'il y aye aucune promesse illicitement faite sur le tiltre dudit Prieuré à quel subiect le prieroit on de son benefice.

Pour le regard du sieur Dormy; il est indubitable que s'estant accõmodé du nom desdits Ruelle, Ozan, & Preuost, comme il est iustificié à ceste seule fin pour troubler le demandeur en la possession dudit Prieuré, & luy ayant luy mesmes intenté ces proces, il est tenu de tous ses despens dommages & interests, tout ainsi que s'il estoit nommé & compris esdictes procédures, *vulgarib. iuris regulis id damnum dat, qui iubet dari, & qui per alium facit in 6º*.

In iure paria sunt aliquid per se fieri aut per interpositas personas, l. pupillus §. sed & si & l. quod dicimus ff. de auct. & conf. tut. De sorte que la supposition des personnes n'empesche que l'action ne demeure sauue directement contre celuy qui agit indirectement *textus rotundus in l. 91. si is qui bonis ff. de acq. vel amit. hered.* c'est la disposition de la loy premiere de alien. iud. mut. ca. fac.

Monsieur L'AVOCAT Rapporteur.



1663
Bibliothèque
générale de la
ville de Paris
donnée par
M. de la